

## বৈদেশিক মুদ্রা নীতি বিভাগ

বাংলাদেশ ব্যাংক

প্রধান কার্যালয়

ঢাকা।

www.bb.org.bd

এফই সার্কুলার নং ৩৬

কার্তিক ২৫, ১৪২৮  
তারিখ: -----  
নভেম্বর ১০, ২০২১

বৈদেশিক মুদ্রায় লেনদেনের  
সকল অনুমোদিত ডিলার।

প্রিয় মহোদয়গণ,

### দেশে উৎপাদিত বাইসাইকেল ও এর পার্টস রপ্তানিতে রপ্তানি প্রণোদনা প্রদান প্রসঙ্গে।

শিরোনামোক্ত বিষয়ে সংশ্লিষ্ট সকলের দৃষ্টি আকর্ষণপূর্বক জানানো যাচ্ছে যে, সরকার দেশের রপ্তানি বাণিজ্যকে উৎসাহিত করার লক্ষ্যে দেশে উৎপাদিত বাইসাইকেল ও এর পার্টস রপ্তানির বিপরীতে প্রণোদনা প্রদানের সিদ্ধান্ত গ্রহণ করেছে। এ সুবিধা ২০২১-২০২২ অর্থবছরে জাহাজীকৃত পণ্যের ক্ষেত্রে প্রযোজ্য হবে। প্রণোদনা পরিশোধ বিষয়ে অনুমোদিত ডিলার ব্যাংকের অনুসরণীয় নির্দেশাবলী নিম্নের অনুচ্ছেদগুলোতে বর্ণনা করা হলো :

০২। প্রণোদনার প্রাপকপক্ষ ও প্রাপ্যতার মাত্রা : নিজস্ব কারখানায় উৎপাদিত বাইসাইকেল ও এর পার্টস রপ্তানির ক্ষেত্রে নীট এফওবি মূল্যের ওপর ৪% হারে উৎপাদনকারী-রপ্তানিকারক প্রণোদনা প্রাপ্য হবে।

০৩। স্থানীয় মূল্য সংযোজনের মাত্রা : বাইসাইকেল ও এর পার্টস রপ্তানির ক্ষেত্রে স্থানীয় মূল্য সংযোজনের হার ন্যূনতম ৩০% হতে হবে। আলোচ্য খাতে রপ্তানি প্রণোদনা ও ডিউটি ড্র-ব্যাক/শুল্ক বন্ড সুবিধা একসাথে প্রযোজ্য হবে না।

### ০৪। রপ্তানি প্রণোদনার আবেদনপত্র দাখিলের শর্তাবলী :

(ক) রপ্তানিকৃত পণ্যের হ্যাভেলিং, মানোন্নয়ন, প্রক্রিয়াজাতকরণে নির্বাহকৃত ব্যয় এবং অভ্যন্তরীণ ও আন্তর্জাতিক পরিবহন এবং ফ্রেইট চার্জ পরিশোধজনিত ব্যয়ের বিপরীতে ডব্লিউটিও বিধি অনুযায়ী আলোচ্য প্রণোদনা প্রদেয় হবে।

(খ) রপ্তানি ঋণপত্র/চুক্তিপত্রের আওতায় রপ্তানি পরবর্তী পর্যায়ে প্রণীত দলিলাদি কিংবা ডকুমেন্টারি কালেকশনের মাধ্যমে প্রত্যাবাসিত রপ্তানি আয়ের বিপরীতে অনুমোদিত ডিলার ব্যাংক শাখায় রপ্তানিকারকগণ রপ্তানি প্রণোদনার জন্য ফরম-ক অনুসারে আবেদনপত্র দাখিল করতে পারবেন। টিটি'র মাধ্যমে অগ্রিম রপ্তানিমূল্য প্রত্যাবাসনের শর্তযুক্ত রপ্তানি ঋণপত্র/চুক্তির বিপরীতে রপ্তানির ক্ষেত্রে অনুমোদিত ডিলার ব্যাংক শাখাকে বিদেশি ক্রেতার যথার্থতা/বিশ্বাসযোগ্যতা, মূল্যের সঠিকতা এবং বাংলাদেশ হতে প্রকৃত রপ্তানির নিমিত্তে টিটি'র মাধ্যমে অগ্রিম মূল্য প্রত্যাবাসন সম্পর্কে টিটি বার্তার ভাষ্য ও অন্যান্য কাগজপত্রের ভিত্তিতে নিশ্চিত হয়ে নিতে হবে। টিটি'র মাধ্যমে অগ্রিম মূল্য পরিশোধ সরাসরি ব্যাংকিং চ্যানেলের মাধ্যমে (এক্সচেঞ্জ হাউস ব্যতীত) রপ্তানি আদেশ প্রদানকারী বা আমদানিকারক কর্তৃক সম্পন্ন হতে হবে এবং টিটি বার্তার ভাষ্যে আমদানি সংশ্লিষ্ট তথ্যসূত্র উল্লেখ থাকতে হবে। সকল ক্ষেত্রে প্রণোদনার আবেদনপত্র বিদেশে সংশ্লিষ্ট ব্যাংকের নস্ট্রো হিসাবে রপ্তানি মূল্য আকলনের (রপ্তানি মূল্য প্রত্যাবাসনের) তারিখের ১৮০ দিনের মধ্যে সংশ্লিষ্ট অনুমোদিত ডিলার ব্যাংক শাখায় দাখিল করতে হবে। তবে একই রপ্তানির ক্ষেত্রে ভিন্ন ভিন্ন চালানের মাধ্যমে রপ্তানির বিপরীতে ভর্তুকির আবেদনপত্র দাখিলের বিষয়ে এফই সার্কুলার নং ১২, তারিখ ডিসেম্বর ২০, ২০১২ এর নির্দেশনা অনুসরণীয় হবে।

(গ) রপ্তানির স্বপক্ষে প্রয়োজনীয় দলিলাদি যেমন জাহাজীকরণের প্রমানস্বরূপ পরিবহন কর্তৃপক্ষ কর্তৃক ইস্যুকৃত এবং প্রত্যয়নকৃত বিল অব লেডিং/এয়ার ওয়েবিল, কমার্শিয়াল ইনভয়েস, প্যাকিং লিস্ট, বিল অব এক্সপোর্ট (শুল্ক কর্তৃপক্ষ কর্তৃক ইস্যুকৃত ও পরীক্ষিত এবং on-board হওয়ার স্বপক্ষে পরিবহন কর্তৃপক্ষ কর্তৃক প্রত্যয়নকৃত) এর পূর্ণাঙ্গ সেট ইত্যাদি দাখিল করতে হবে।

### ০৫। অনুমোদিত ডিলার ব্যাংক শাখা কর্তৃক আবেদনপত্র গ্রহণ, পরীক্ষণ ও পরিশোধ নিষ্পত্তি :

(ক) রপ্তানি প্রণোদনার আবেদন ফরমের বিভিন্ন অনুচ্ছেদে যে সকল কাগজপত্র, সনদপত্র, প্রত্যয়নপত্রের উল্লেখ আছে ঐগুলো সম্পূর্ণ ও পূর্ণাঙ্গ আকারে আবেদনের সাথে যুক্ত থাকার বিষয়ে অনুমোদিত ডিলার ব্যাংক প্রাথমিক পরীক্ষণে নিশ্চিত হবে। প্রণোদনার আবেদনপত্রের সাথে রপ্তানি উন্নয়ন ব্যুরো হতে সংযোজিত ছক (ফরম-খ) মোতাবেক সনদপত্র দাখিল করতে হবে। রপ্তানির ক্ষেত্রে যে সকল ডকুমেন্ট ব্যাংক শাখা কর্তৃক প্রক্রিয়াকৃত হয় সেগুলোর যথার্থতা ও সেগুলোতে উল্লেখিত তথ্যাদির শুদ্ধতার বিষয়েও সংশ্লিষ্ট ব্যাংক শাখা নিশ্চিত হবে। প্রাথমিক পরীক্ষণে পরিলক্ষিত ত্রুটির/অসম্পূর্ণতার (যদি থাকে) বিষয়ে অনুমোদিত ডিলার ব্যাংক শাখা আবেদনপত্র প্রাপ্তির ০৩(তিন) কার্যদিবসের মধ্যে লিখিতভাবে আবেদনকারী প্রতিষ্ঠানকে অবহিত করবে।

(খ) আবেদনকারী প্রতিষ্ঠানের উৎপাদন ক্ষমতার সাথে আবেদনপত্রে উল্লিখিত রপ্তানি সামঞ্জস্যতা সম্পর্কে নিশ্চিত হওয়ার লক্ষ্যে প্রযোজ্য কাগজপত্রাদি প্রয়োজনীয় ক্ষেত্রে আবেদনকারী হতে অতিরিক্ত ব্যাখ্যা/তথ্যাদি এবং রপ্তানি ও রপ্তানি মূল্য প্রত্যাবাসন বিষয়ে ব্যাংক শাখার স্বীয় রেকর্ড হতে প্রযোজ্য ক্ষেত্রে অন্য ব্যাংক শাখা হতে সংগৃহীত তথ্যাদি/সনদপত্র সংযোজনান্তে আবেদনপত্র পূর্ণাঙ্গ ও সম্পূর্ণ আকার প্রাপ্ত হওয়ার পর অনুমোদিত ডিলার পরিশোধযোগ্য অংক নিরূপন করবে। সংশ্লিষ্ট আবেদন ফরমে অনুমোদিত ডিলার ব্যাংক শাখা কর্তৃক ব্যবহারের জন্য নির্ধারিত অংশের নির্দেশনাগুলো পর্যায়ক্রমিকভাবে অনুসরণ করে এ প্রক্রিয়া সম্পন্ন করা হবে।

(গ) প্রণোদনার আবেদনপত্র মোতাবেক প্রদেয় অর্থের সঠিকতার বিষয়ে নিযুক্ত বহিঃনিরীক্ষক ফার্ম দ্বারা প্রতিটি আবেদনপত্র নিরীক্ষা করাতে হবে। নিরীক্ষা কার্যক্রম সম্পাদনের পর অনুমোদিত ডিলার ব্যাংকের প্রধান কার্যালয়ের মাধ্যমে রপ্তানি প্রণোদনা বাবদ পরিশোধ্য অর্থের দাবী প্রস্তাব বাংলাদেশ ব্যাংকের প্রধান কার্যালয়ের একাউন্টস এন্ড বাজেটিং বিভাগে ফরম-গ অনুযায়ী প্রেরণ করতে হবে। বাংলাদেশ ব্যাংক থেকে ছাড়কৃত ভর্তুকির প্রেক্ষিতে আবেদনকারী প্রতিষ্ঠানের অনুকূলে পরিশোধিত অর্থের বিবরণী ফরম-ঘ অনুসারে ব্যাংকের প্রধান কার্যালয়ের মাধ্যমে পরবর্তী মাসের দ্বিতীয় সপ্তাহের মধ্যে বাংলাদেশ ব্যাংক, প্রধান কার্যালয়ের বৈদেশিক মুদ্রা পরিদর্শন বিভাগে দাখিল করতে হবে।

(ঘ) প্রতিক্ষেত্রে প্রণোদনা পরিশোধ অনুমোদনের সঙ্গে সঙ্গে সংশ্লিষ্ট রপ্তানিমূল্য প্রত্যাবাসন সনদপত্র (গাইডলাইন্স ফর ফরেন এক্সচেঞ্জ ট্রানজেকশন্স-২০১৮, ভলিউম-১ এর এপেন্ডিক্স-৫/৩৬ অনুযায়ী), জাহাজীকরণের প্রমানস্বরূপ বিল অব লেডিং/এয়ার ওয়েবিল, কমার্শিয়াল ইনভয়েস, প্যাকিং লিস্ট ও গুণক কর্তৃপক্ষ কর্তৃক প্রত্যয়নকৃত বিল অব এক্সপোর্ট এর ওপরে সহজে দৃষ্টিগোচর হয় এমন স্থানে প্রণোদনা পরিশোধিত মর্মে সীল এবং পরিশোধ অনুমোদনকারী কর্মকর্তার স্বাক্ষর সন্নিবেশ করতে হবে, যাতে ঐ সকল দলিলাদি অপব্যবহারের সুযোগ না থাকে। একই রপ্তানির আওতায় একই সুবিধার জন্য একাধিকবার পিআরসি ইস্যুকৃত না হওয়ার বিষয়ে অনুমোদিত ডিলার ব্যাংক শাখাকে বিশেষ সতর্কতা অবলম্বন করতে হবে। এছাড়াও আবেদনপত্র প্রক্রিয়াকরণের পূর্বে এফই সার্কুলার নং ৩০, তারিখ আগস্ট ১৬, ২০১৭ ও সার্কুলার পত্র নং ৩১, তারিখ ডিসেম্বর ০২, ২০১৯ এর নির্দেশনা অনুসারে সংশ্লিষ্ট রপ্তানিকারকের রপ্তানিমূল্য অপ্রত্যাবাসিত না থাকার বিষয়টি অনুমোদিত ডিলার ব্যাংককে বাংলাদেশ ব্যাংকের অনলাইন এক্সপোর্ট মনিটরিং সিস্টেম থেকে নিশ্চিত হয়ে নিতে হবে।

(ঙ) প্রণোদনা পরিশোধ নিষ্পত্তি সংশ্লিষ্ট সকল কাগজপত্র বাংলাদেশ ব্যাংকের পরিদর্শনের/সরকারি বাণিজ্যিক নিরীক্ষা বিভাগের পরীক্ষণের জন্য পরিশোধের তারিখ হতে অন্যান্য ০৩(তিন) বছর পর্যন্ত শাখায় সংরক্ষণ করতে হবে।

(চ) রপ্তানি সংক্রান্ত বিষয়ে কোন অস্পষ্টতা দেখা দিলে বা তথ্য সংগ্রহের প্রয়োজন হলে সংশ্লিষ্ট ব্যাংক ও অডিট ফার্ম, রপ্তানি উন্নয়ন ব্যুরো, টিসিবি ভবন, ১ কাওরান বাজার, ঢাকা হতে পরামর্শ গ্রহণ করবে।

#### ০৬। নিয়মবহির্ভূতভাবে প্রণোদনা পরিশোধের শাস্তিমূলক ব্যবস্থাাদি :

(ক) বিধিবহির্ভূতভাবে প্রণোদনা পরিশোধ করা হলে পরিশোধকৃত অর্থ বাংলাদেশ ব্যাংকের সাথে রক্ষিত পরিশোধকারী ব্যাংকের হিসাব বিকলনপূর্বক আদায় করা হবে।

(খ) সংঘটিত অনিয়মের সঙ্গে জড়িত ব্যাংক কর্মকর্তা/কর্মচারীদের বিরুদ্ধে উপযুক্ত শাস্তিমূলক ব্যবস্থা গ্রহণ করা হবে।

(গ) সংঘটিত অনিয়মের সাথে রপ্তানিকারক এসোসিয়েশনের কোন কর্মকর্তা যুক্ত থাকলে অথবা মিথ্যা তথ্য দিয়ে অনিয়মে সহযোগিতা করলে রপ্তানিকারক এসোসিয়েশন/কর্মকর্তার বিরুদ্ধে উপযুক্ত শাস্তিমূলক ব্যবস্থা নেয়া যাবে।

০৭। প্রণোদনা বাবদ অর্থ পরিশোধ প্রক্রিয়া: সরকারি বাজেট বরাদ্দের বিপরীতে ছাড়কৃত তহবিল হতে প্রণোদনা বাবদ দাখিলকৃত আবেদনের বিপরীতে সংশ্লিষ্ট ব্যাংকের অনুকূলে অর্থ প্রদান করা হবে।

সংশ্লিষ্ট সকল পক্ষকে বিষয়টি অবহিত করার জন্য অনুরোধ করা যাচ্ছে।

সংযোজনী : বর্ণনা মোতাবেক।

আপনাদের বিশ্বস্ত,

(কার্জী রফিকুল হাসান)

মহাব্যবস্থাপক

ফোন: ৯৫৩০১২৩

## দেশে উৎপাদিত বাইসাইকেল ও এর পার্টস রপ্তানিতে রপ্তানি প্রণোদনার জন্য আবেদনপত্র

(ক) আবেদনকারী প্রতিষ্ঠানের নাম ও ঠিকানা: -----

রপ্তানি নিবন্ধন সনদপত্র (ইআরসি) নম্বর: -----

(খ) রপ্তানি ঋণপত্র/চুক্তিপত্র নম্বর, তারিখ ও মূল্য: -----

(পাঠযোগ্য সত্যায়িত কপি দাখিল করতে হবে)

(গ) রপ্তানিকৃত পণ্য উৎপাদনে ব্যবহৃত পণ্যের স্থানীয় সংগ্রহসূত্র, পরিমাণ ও মূল্য:

সরবরাহকারীর নাম ও ঠিকানা	পরিমাণ	মূল্য	পরিশোধ পদ্ধতি
১	২	৩	৪

(রপ্তানি পণ্যের বর্ণনা, মূল্য ও সংগ্রহসূত্রের বিষয়ে রপ্তানি উন্নয়ন ব্যুরো এর প্রত্যয়নপত্র দাখিল করতে হবে। পরিশোধ পদ্ধতির স্বপক্ষে প্রয়োজনীয় দলিলাদি দাখিল করতে হবে।)

(ঘ) রপ্তানিকৃত পণ্য উৎপাদনে ব্যবহৃত আমদানিকৃত উপকরণাদি:

সরবরাহকারীর নাম ও ঠিকানা	পণ্যের নাম ও পরিমাণ	ঋণপত্র/চুক্তিপত্রের আওতায় ডকুমেন্টারি কালেকশন নম্বর, তারিখ	মূল্য
১	২	৩	৪

(৩ নং কলামের ঋণপত্রের পাঠযোগ্য সত্যায়িত কপি দাখিল করতে হবে। উৎপাদন প্রক্রিয়ায় ব্যবহৃত উপকরণাদির জন্য ঋণ বন্ড সুবিধা ভোগ করা হয়নি/ ডিউটি ড্র-ব্যাক সুবিধা গ্রহণ করা হয়নি ও ভবিষ্যতে আবেদনও করা হবে না মর্মে রপ্তানিকারকের ঘোষণাপত্র দাখিল করতে হবে।)

(ঙ) রপ্তানি চালানোর বিবরণ:

পণ্যের বর্ণনা	পরিমাণ	আমদানিকারকের দেশের নাম	ইনভয়েস মূল্য (বৈদেশিক মুদ্রায়)	জাহাজীকরণের তারিখ	ইএক্সপি নম্বর	বৈদেশিক মুদ্রায় প্রত্যাভাসিত রপ্তানিমূল্য ও প্রত্যাভাসনের তারিখ
১	২	৩	৪	৫	৬	৭

(কমার্শিয়াল ইনভয়েস, প্যাকিং লিস্ট এবং জাহাজীকরণের প্রমানস্বরূপ পরিবহন কর্তৃপক্ষ কর্তৃক ইস্যুকৃত এবং প্রত্যয়নকৃত বিল অব লেডিং/এয়ার ওয়েবিল, বিল অব এক্সপোর্ট (ঋণ কর্তৃপক্ষ কর্তৃক ইস্যুকৃত ও পরীক্ষিত এবং on-board হওয়ার স্বপক্ষে পরিবহন কর্তৃপক্ষ কর্তৃক প্রত্যয়নকৃত) এর পূর্ণাঙ্গ সেট ইত্যাদির সত্যায়িত পাঠযোগ্য কপি এবং রপ্তানিমূল্য প্রত্যাভাসন সনদপত্র দাখিল করতে হবে।)

(চ) প্রণোদনার আবেদনকৃত অংক:

প্রত্যাভাসিত রপ্তানিমূল্য	প্রযোজ্য ক্ষেত্রে জাহাজ ভাড়ার পরিমাণ	বৈদেশিক মুদ্রায় পরিশোধ্য কমিশন, ইন্সুরেন্স ইত্যাদি (যদি থাকে)	নীট এফওবি রপ্তানিমূল্য ১-(২+৩)
১	২	৩	৪

(প্রযোজ্য ক্ষেত্রে জাহাজ ভাড়ার উল্লেখ সম্বলিত ফ্রেইট সার্টিফিকেটের সত্যায়িত কপি দাখিল করতে হবে)

দেশীয় পণ্য	আমদানিকৃত পণ্য	স্থানীয় মূল্য সংযোজনের হার	প্রাপ্য প্রণোদনা
৫	৬	$[(৪-৬)/৪] \times ১০০$	$৪ \times ৪\%$

(৭ নম্বর কলামের হার আলোচ্য সার্কুলারের ৩ নম্বর অনুচ্ছেদের সাথে সামঞ্জস্যতার ক্ষেত্রে প্রণোদনা প্রাপ্য হবে। আমদানিকৃত পণ্য ব্যবহৃত থাকলে কিংবা পূর্বের আমদানিকৃত পণ্য ব্যবহৃত হলে তদবিষয়ে উপযুক্ত উৎপাদন ব্যয় হিসাব অনুযায়ী উপরোক্ত ৬ নং কলামে উল্লেখ করতে হবে। এ বিষয়ে উৎপাদন ব্যয় হিসাবাবান দাখিল করতে হবে।)

এ মর্মে অঙ্গীকার করা যাচ্ছে যে, আমাদের নিজস্ব কারখানায় উৎপাদিত বাইসাইকেল ও এর পার্টস রপ্তানির বিপরীতে প্রণোদনার জন্য আবেদন করা হলো। এ আবেদনপত্রে প্রদত্ত সকল তথ্য/ঘোষণা সম্পূর্ণ ও সঠিক। যদি পরবর্তীতে কোন ভুল/অসত্য তথ্য/প্রতারণা/জালিয়াতি উদঘাটিত হয় তবে গৃহীত প্রণোদনার সমুদয় অর্থ বা এর অংশ বিশেষ আমার/আমাদের নিকট থেকে এবং/অথবা আমার/আমাদের ব্যাংক হিসাব থেকে আদায়/ফেরত নেয়া যাবে।

তারিখ: -----

আবেদনকারী প্রতিষ্ঠানের স্বত্বাধিকারী/  
ক্ষমতাপ্রাপ্ত কর্মকর্তার স্বাক্ষর ও পদবি।

(ছ) প্রণোদনা প্রদানকারী ব্যাংক শাখা কর্তৃক পূরণীয়:

প্রত্যাভাসিত রপ্তানিমূল্য	প্রযোজ্য ক্ষেত্রে জাহাজ ভাড়ার পরিমাণ	বৈদেশিক মুদ্রায় পরিশোধ্য কমিশন, ইন্সুরেন্স ইত্যাদি (যদি থাকে)	নীট এফওবি রপ্তানিমূল্য ১-(২+৩)
১	২	৩	৪

দেশীয় পণ্য	আমদানিকৃত পণ্য	স্থানীয় মূল্য সংযোজনের হার	পরিশোধ্য প্রণোদনার পরিমাণ (টাকায়)
৫	৬	$[(৪-৬)/৪] \times ১০০$	$৪ \times ৪\% \times$ (রপ্তানিমূল্য প্রত্যাভাসনের তারিখে সংশ্লিষ্ট বৈদেশিক মুদ্রার ওডি সাইট ক্রয় মূল্য)

(৭ নম্বর কলামের হার আলোচ্য সার্কুলারের ৩ নম্বর অনুচ্ছেদের সাথে সামঞ্জস্যতার ক্ষেত্রে প্রণোদনা প্রাপ্য হবে।)

প্রণোদনার পরিমাণ: ----- টাকা (কথায়: -----)।

পরিশোধের তারিখ: -----

প্রণোদনা অনুমোদনের ক্ষমতাপ্রাপ্ত ব্যাংক  
কর্মকর্তার স্বাক্ষর, নাম ও পদবি

রপ্তানি উন্নয়ন ব্যুরো প্রদেয় প্রত্যয়ন সনদপত্র

দেশে উৎপাদিত বাইসাইকেল ও এর পার্টস রপ্তানিতে রপ্তানি প্রণোদনা প্রাপ্তির প্রত্যয়ন সনদপত্র

- ১। আবেদনকারীর নাম, ইআরসি নম্বর ও ঠিকানা:
- ২। রপ্তানি ঋণপত্র/চুক্তিপত্র নম্বর: তারিখ: মূল্য:
- ৩। বিদেশি ক্রেতার নাম ও ঠিকানা:
- ৪। বিদেশি ক্রেতার ব্যাংকের নাম ও ঠিকানা:
- ৫। (ক) ইনভয়েস নম্বর: তারিখ:
- (খ) ইনভয়েসে উল্লিখিত পণ্যের পরিমাণ: মূল্য:
- ৬। রপ্তানিকৃত বাইসাইকেল ও এর পার্টস উৎপাদনের স্থানীয় উপকরণাদির সংগ্রহ সূত্র (সরবরাহকারীর নাম ও ঠিকানা):  
পরিমাণ: মূল্য:
- ৭। রপ্তানিকৃত বাইসাইকেল ও এর পার্টস উৎপাদনে ব্যবহৃত আমদানিকৃত উপকরণাদির সংগ্রহ সূত্র (সরবরাহকারীর নাম ও ঠিকানা):  
পরিমাণ: মূল্য:
- ৮। রপ্তানি পণ্যের বিবরণ: পরিমাণ: মূল্য:
- ৯। জাহাজীকরণের তারিখ: গন্তব্য বন্দর:
- ১০। ইএক্সপি নম্বর: মূল্য: তারিখ:
- ১১। মোট প্রত্যাবাসিত রপ্তানি মূল্য (বৈদেশিক মুদ্রায়): নীট এফওবি রপ্তানি মূল্য (বৈদেশিক মুদ্রায়):
- ১২। প্রত্যাবাসিত রপ্তানি মূল্যের সনদপত্র নম্বর: তারিখ:

রপ্তানিকারকের স্বাক্ষর ও তারিখ

এতদ্বারা প্রত্যয়ন করা যাচ্ছে যে, আমাদের নিজস্ব কারখানায় উৎপাদিত বাইসাইকেল ও এর পার্টস উপরোক্ত ৬ ও ৭ নং ক্রমিকে বর্ণিত সূত্র থেকে উপকরণাদি সংগ্রহের মাধ্যমে রপ্তানির বিপরীতে রপ্তানি প্রণোদনার জন্য উপরোক্ত অনুচ্ছেদগুলোতে উল্লিখিত বক্তব্য সঠিক ও নির্ভুল। বিদেশি ক্রেতা/আমদানিকারকের ক্রয়দেশের যথার্থতা/বিশ্বাসযোগ্যতা সম্পর্কেও নিশ্চিত করা হলো।

রপ্তানিকারকের স্বাক্ষর ও তারিখ

রপ্তানিকারকের উপরোক্ত ঘোষণার যথার্থতা যাচাইয়াস্তে সঠিক পাওয়া গিয়েছে। ৮ নং ক্রমিকে উল্লিখিত ঘোষিত রপ্তানিমূল্য যৌক্তিক ও বিদ্যমান আন্তর্জাতিক বাজার মূল্যের সঙ্গে সঙ্গতিপূর্ণ পাওয়া গিয়েছে এবং বিদেশি ক্রেতার যথার্থতা/বিশ্বাসযোগ্যতা সম্পর্কেও নিশ্চিত হওয়া গিয়েছে। প্রত্যাবাসিত রপ্তানি মূল্যের (নীট এফওবি মূল্য) ওপর রপ্তানি প্রণোদনা পরিশোধের সুপারিশ করা হলো।

-----এসোসিয়েশন/রপ্তানি উন্নয়ন ব্যুরো এর  
দুইজন উপযুক্ত কর্মকর্তার স্বাক্ষর, তারিখ ও সীল

[কোনো প্রকার ঘষামাজা, কাঁটাছেড়া বা সংশোধন করা হলে এ প্রত্যয়নপত্র বাতিল বলে গণ্য হবে।]

(অনুচ্ছেদ ৫(গ), এফই সার্কুলার নম্বর- ৩৬/২০২১ দ্রষ্টব্য)

এফই সার্কুলার নং ৩৬/২০২১ মোতাবেক

দেশে উৎপাদিত বাইসাইকেল ও এর পার্টস রপ্তানি খাতে রপ্তানি প্রণোদনা বাবদ পরিশোধ্য অর্থের দাবী প্রস্তাব

..... ব্যাংক, প্রধান কার্যালয়, ঢাকা।

আবেদনকারী প্রতিষ্ঠানের নাম ও ঠিকানা	রপ্তানি সংশ্লিষ্ট তথ্য						শাখা কর্তৃক আবেদনপত্র গ্রহণের তারিখ	আবেদনকৃত অর্থের পরিমাণ	পরিশোধ্য দাবীর পরিমাণ
	পণ্যের বিবরণ	জাহাজীকরণের তারিখ ও গন্তব্যস্থল	ইএক্সপি নম্বর	মোট প্রত্যাবাসিত রপ্তানি মূল্য (বৈদেশিক মুদ্রা)	নীট এফওবি মূল্য (বৈদেশিক মুদ্রা)	মূল্য প্রত্যাবাসনের তারিখ			
১	২	৩	৪	৫	৬	৭	৮	৯	১০

দাপ্তরিক সীল

ক্ষমতাপ্রাপ্ত ব্যাংক কর্মকর্তার স্বাক্ষর, তারিখ, নাম ও পদবি

ফরম-‘ঘ’

(অনুচ্ছেদ ৫(গ), এফই সার্কুলার নং-৩৬/২০২১ দ্রষ্টব্য)

এফই সার্কুলার নং ৩৬/২০২১ মোতাবেক

দেশে উৎপাদিত বাইসাইকেল ও এর পার্টস রপ্তানিতে রপ্তানি প্রণোদনা বাবদ পরিশোধিত হিসাবের.....সালের.....মাসের বিবরণী

অনুমোদিত ডিলার ব্যাংক শাখার নামঃ.....

আবেদনকারী প্রতিষ্ঠানের নাম ও ঠিকানা	রপ্তানি সংশ্লিষ্ট তথ্য					পরিশোধিত প্রণোদনা (টাকা)	পরিশোধের তারিখ	শাখায় প্রাপ্ত অনিষ্পন্ন আবেদন	
	পণ্যের বিবরণ	জাহাজীকরণের তারিখ ও গন্তব্যস্থল	ইএসপি নম্বর	মোট প্রত্যাভাসিত রপ্তানি মূল্য (বৈদেশিক মুদ্রা)	নীট এফওবি মূল্য (বৈদেশিক মুদ্রা)			সংখ্যা	দাবীকৃত অর্থ (টাকা)
১	২	৩	৪	৫	৬	৭	৮	৯	১০

-----  
দাপ্তরিক সীল

-----  
ক্ষমতাপ্রাপ্ত কর্মকর্তার স্বাক্ষর, নাম, পদবি ও তারিখ